



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 231. De traditione Folclogæ bonorum in Foanreder in pago Merstem, et de propinquis eiusdem et Luidolfi ducis.

urn:nbn:de:hbz:466:1-36114

§. 231.

Folclog fidelis foemina uolens confirmare (F) inuolabiliter traditionem hereditatis (G) suae quae est in uilla nuncupante *foanreder* alia quippe uice eam tradidit atque manus uestituram de ea fecit *bardonis* comiti aduocato nostro (H) qui iterum eandem hereditatem ipsi uxori et uiro

gubernante Corbeiam Adalgario.

§. 104. vidimus. Tradidisse autem uidentur *Abbo* bona sua eodem die, quo Wicbertus, Gerulfus, et Raginberius sua dederunt, ut ad §. 227. 228 et 229. obseruauimus, scilicet eo die, quo Geroldus inter fratres Corbeiensis fuit receptus, cui solemnitati etiam *Abbo*, ut consanguineus Geroldi, interesse uoluerit. Hinc testes, quos *Abbo* adhibuit, uidentur quoque eius consanguinei fuisse. *Eisulfus* enim uidentur fuisse frater Wichardi, conditoris comitum Northeimensium. De hoc differuimus supra §. 104. not. (*). Item *Adalwardus* uidentur fuisse filius Thiodgeri comitis, fratris Eeberti ducis, de quo egimus §. 104. not. (n) *Hunwardus* uidentur fuisse ille Hunwardus, qui §. 106. 107 et 146. reperitur; *Ebertus* fuit frater ducis Luidolfi. *Adalbardus* uidentur esse filius Brunonis II, et nepos Brunonis Angariorum ducis. *Berndac* uidentur fuisse Berndag, filius Haddonis, et nepos eiusdem Brunonis ducis. *Redmer* iam supra inuenitur §. 226; *Ado* fuit Ade, qui, testante §. 145, in pago Nithega aliquid donauit. *Harid* uero appellatur (§. 250) frater ipsius *Abbonis*, pro quo in pago Huuetigo quaedam, ad uillam Wegballithi sita, traduntur.

(F) Adfinitatem intercedere inter hunc locum atque §. 143, res ipsa loquitur. Ea De uilla dem enim foemina unam eandemque traditionem confirmat. E uilla, in pago *Mersem* sita, iam l. c. conclusimus, uideri pertinuisse hanc foeminam ad stemma Widikindeum. De hoc momento nulla dubitatio subnasci poterit consideraturo, item, Ragenberum, filium Walberti I, nepotis Widekindi Magni, ac Wicberthum, filium Bardonis I, fratris eiusdem Walberti, dedisse praeterea Corbeiensibus bona quaedam, ad eandem uillam *foanreder* sita, testantibus locis §§. 229 et 337. Haec autem illustris foemina *Folclog* cum uiro suo *Beuone* accessisse uidentur Corbeiam nostram eo tempore, quo eius fratris filius Geroldus, domino sub habitu monachico militaturus, cenobium Corbeienfe intrauit. Cui splendidissimo actui *fidelis* nostra *Folclog* cum ceteris consanguineis coniuncte uidentur interesse uoluisse. Eius uirum *Beuonem* fuisse filium *Eeberti* ac fratrem *Luidolfi* ducum, iam supra e Widekindo nostro comprobauimus. Hic ergo id ipsum denuo argumentis non indiget. Inquirere potius debemus in situm uillae *Foanreder*, quam in pago *Mersem* fuisse iam supra (§. 143) didicimus. Norunt eruditi, eum pagum olim extitisse in Principatu et praefectura Calenbergica. Vti uero ueteres pagi hodiernis terminis ducatum, episcopatum, principatum, et comitatum non respondent accurate, ita interdum hic uel ille pagus in diuersis nostri saeculi prouincijs uisendus erat. Putamus ergo, uillam *Foanreder* seu *Faenrederi* esse uicium *Venreder*, in quo nobiles domini de Munchhausen bona quaedam tenent ex feudo a comitibus de Schaumburg. Id comprobatur documento, quod legitur in B. G. S. Treueri *Gründlicher Geschichte des Geschlechts der Herren von Munchhausen* p. 324.

(G) Quia *hereditatis* nomine bona *Folclogae* hic partim appellantur, eapropter bona haec probabilissime a patre suo accepit *Folclog*.

(H) *Bardo comes*, qui aduocatus appellatur Corbeiensis, erat nepos Widekindi Magni, uti demonstraui §. 104. not. (u). Contendimus ibi probabiliter, *Bardonem* hic eapropter nominari aduocatum, quod bona tradita ipsi confinia et uicina fuerint, atque ipse praedia et comitatum eo tempore in pago *Mersem* tenuerit. In nostra enim Saxonia ita usu receptum fuit, ut hi uel illi domini ratione certorum quorundam negotiorum aduocatos constituerentur, manente nihilominus causa praecipua et rei summa penes aduocatum summum. Id enim e diplomatibus nostris patet. Ita u. g. cum anno 1113 quaedam bona abbatiae Corbeiensis traderentur a nobili uiro Sigiberto, in Moguntinensi et Patherbur-

M m m nensi

Ab anno 854 usque 877 regnante Hludouico et uiro suo nomine *beuo* iure beneficii resignauit (I) excolendam quamdiu quis eorum uixerit hoc quoque totum factum est ex consensu omnium propinquorum (K) suorum et coram his testibus bardo comes landuard comes

nenfi Episcopatu sita, Sigifridus comes, aduocatus Corbeiensis, praesto erat. At tamen Reinholdus comes in loca Corbeiensium sibi vicina, et Gherhardus comes in alia, quae sibi denuo finitima erant, aduocati constituebantur, testantibus literis MS. in *Historia Corbeiensi* edendis. Fortassis ab hoc *Bardone* seu eius filio cognomine castrum *Bavenburg*, vnum milliare situm ab oppido Eldagfen in principatu Calenbergico, quod olim spectauit ad comites de Hallermund, nomen accepit.

- (I) Attende, beneuole lector, ad insigne munus aduocatorum tempore caesarum Carolingicorum. Imperator Fridericus I post haec scilicet anno 1188 *importunitatem* dixit, quam in bona ecclesiae aliquando exercere tentauerint aduocati, vel villicationes eius locando, quod nihil ad eos adtulerit, vel hereditates litonum ecclesiae sibi usurpando, vel manfos etiam ecclesiae nouis collocando colonis. Ipse haec tamquam nefanda authentico prohibuit edicto, nullam permittens aduocatis porro talia perpetrandi potestatem. Cum enim coram eo in palatio Goslariae de iure aduocatorum quaestio moueretur, ibi ex communi principum consilio decretum fuit, et publice significatum, in bona ecclesiarum aduocatis nihil esse iuris, nisi tantum triplicem ob causam, in furto uidelicet, in pugna, et in raptu; omnes vero alias quaestiones oeconomio seu villico ecclesiae esse referuatas, teste diplomate, edito in celeb. olim Io. Mich. Heineccii *Antiquit. Goslar.* Lib. II. p. 185 seq. Sic tempora mutantur, et nos mutamur in illis. Oeconomi illi villicique successu temporis aequae dicti fuerunt subaduocati et aduocati. Videntur ex ratione vitae eorundem orti conductores praediorum.

De quibusdam propinquis Beuonis comitis filii Ecberti ducis, eiusque uxoris Folcloge.

- (K) Cum tota haec traditio ex consensu omnium propinquorum familia *Folclog* fuerit perfecta, sequitur exinde, dominos, ad stirpem Widikindeam referendos et dudum supra nominatos, huic donationi consensisse. Verisimile fit proinde, testes, loco hoc memoratos, citra controuersiam fuisse propinquos *Folclogae*. *Bardo* comes itaque *Folclogae* videtur propinquus fuisse. *Landwardus* supra (§. 178.) appellatur frater *Helmridi* atque *Alvridi*. Ipse donauit quaedam in pago *Westfalon* sita. Memoratur quidam *Landwardus* (§. 252) atque alius (§. 414) quidam, dictus pater *Gelonis*, quem (§. 104 not. (n)) inter posteros *Cobbonis* comitis et progenitores comitum *Tecklenburgicorum* retulimus. Si ergo existimarem, *Landwardum* comitem fuisse ipsius *Cobbonis* comitis filium, uti nomen et bona videntur comprobare, (*Ecbertum* enim ducem in eadem regione possedisse bona quaedam, iam supra indicauimus) *Landwardus* comes omnino hac ratione propinquus fuisset *Folclogae* et *Beuonis*, filii *Ecberti* ducis. *Bernberium* Comitem supra §. 104. not. (n) suspicari sumus existisse nepotem *Brunonis* et filium *Bernherii*. Potuerunt tamen hi, qui videntur fuisse duo *Bernherii*, vnus comes fuisse. Coniecturas vero tantum nostras adtulimus, et rogatum volumus omnes, ut ne aliam in sententiam eas nolint interpretari. Immo ad stemma *Widikindeum* videtur referendus, tanquam filius *Immedi*, nepos *Widekindi* *M. Cobbo* probabilissime videtur fuisse *Cobbo* II, filius *Cobbonis* I, atque ita frater *Landwardi*. *Folchardus* verisimiliter videtur fuisse *Folchardus*, filius *Deddii* atque *Albae*, seu horum nepos *Folchardus*. Vtriusque supra (§. 112) mentionem inieciimus. Quodsi igitur sumimus, *Deddium* fuisse consanguineum *Adalrici* seu *Hessi*, *Ostfalonum* ducis, *Folchardus* utique propinquus erat *Beuonis* comitis eiusque uxoris *Folcloge*. Quum vero nomen *Folchardi* idem sit, quod *Folcberti*, posset quoque designatus intelligi *Folcbertus*, inter progenitores comitum *Euersteinenium* referendus, de quo egimus §. 104. not. (n) *Ben* probabilissime videtur fuisse frater *Riedagi*, e stirpe *Widikindea* orti. Confer §. 104. not. (†††). Omnino itaque videtur fuisse propinquus uxoris *Beuonis*. De *Eurico* nihil habemus, quod possimus attingere, excepto quod *Euricus* quidam, testante §. 184, sita in pago *Bragbanto* quaedam tradiderit. Fortassis itaque ille fuit frater *Ansfriedi*, comitis *Palatini*, cuius mentionem inieciimus §. 229. Porro statuitur

comes bernheri comes ymmo cobbo folchard ben euric haddo brun hiddi
milo uualh eilhard gherhard liuthard uinnilo bernhard brunhard helmuuward
gherber hidda emmo hroduerc billa adalhard merica baia mayndag.

gubernante
Corbeiam
Adalgaro.

§. 232.

Tradidit *afabug* in *ealdesbusen* (L) quidquid ibi habuit pro animabus
fra-

rum Ansfridus Palatinus fuisse filius Bernharii, fratris Idæ ducissæ, uti apparet e §. 155. not. (l) *Euric* ita utique fuisset propinquus Beuonis, comitis filii Idæ atque Ecberti ducis. *Haddo* verisimiliter est Haddo II, filius Haddonis I, fratris Ecberti ducis, de quibus egimus §. 104. not. (c) *Brunonem* reputamus pro nepote Brunonis, Angariorum ducis, atque *Hiddium*, seu *Hiddonem*, pro filio Luidolfi, ducis Saxonie, de quibus egimus §. 104. not. (n) *Milo* luculentis verbis *proximus* appellatur *Alberti*, filii Cobbonis vel fratris Beuonis comitis §. 294. Quam vero habuerit ipse coniunctionem generis cum familia Widikindea vel Brunoniana, et an ipse Thiadulfi aut Hrothardi, aut Thancmari I filius fuerit, id nondum patet. *Walho* fortassis fuit frater Ansfridi, comitis palatini, a suo patruo Walone comite et postea abbate aureæ Corbeie ita nominatus. Confer supra §. 101. *Eilbertus* porro fuit probabili quadam ex coniectura Eilbertus, filius S. Meinulfi, fratris Ecberti ducis. *Gherbardus* fortassis frater fuit Landwardi comitis, et ita fater ducum Iuliacorum, cum anno 1029 quendam Gerhardum comitem in pago *Iulicbot* deprehendamus, nominaque Gerhardorum inter Iuliacenses Comites sæpius repetantur. *Liuthardus* videtur fuisse nepos ille Albionis, fatis marchionum Brandenburgensium et principum Anhaltinorum, de quo egimus supra §. 188. *Vinnilo* quis fuerit, mihi est prorsus incertum. *Bernhardus* vero appellatur infra §. 249. frater Gelonis. E donis eius iam supra §. 104. not. (n) conlegimus, illos Cobbonis comitis filios fuisse. *Brunbardus* erat frater Billingi, testante §. 303, cuius auia erat Hadwi, filia Ecberti ducis et soror Beuonis, uti vidimus §. 104. not. (w). *Helmwart* quis fuerit, non constat. Ad familiam Brunonianam is spectare potuit, quia supra §. 113. quidam Helmwert inter testes reperitur, cum quædam in pago Auga sita traderentur. *Gherber* ad progenitores comitum Euersteinsium videtur referendus. Ipse fortassis fuit frater Folcberti ac Thiadrici, quos supra §. 104. not. (n) memorauimus, quia eorum patruus, Euerhardi, filius fuit Gherbernis. *Hidda* videtur nepos Haddonis I fratris Ecberti ducis et pater Thiamari marchionis orientalis fuisse, de quo egimus supra §. 104. not. (e). *Emmonem* inter propinquos Beuonis relatum esse, patet e §. 78, ubi Emmo quidam, fortassis huius pater, in pago Wikanauele sita ad villam Cogarden quædam bona donauit, in qua Luidolfus, dux Saxonie, alique eius consanguinei quædam fuerunt largiti. *Hrodwert*, *Billa* et *Mayndag* in obscure latent. *Adalhardus* vero vel nepos vel pronepos fuerit Brunonis, Angariorum ducis, de quibus egimus §. 104. not. (n) *Merica* videtur Merio fuisse, frater Esconis comitis in pago Salagewe, de quo conferatur §. 216. *Baia* autem videtur fuisse Beio, qui, testante §. 165, quædam, in pago Aringho sita, donauit. Fortasse Baia fuit frater dicti Adalhardi.

- (L) *Afabug* videtur fuisse femina, ad stemma Widikindeum pertinens. In eadem De villa enim regione bona quædam tradidit pro anima fratrum suorum, in qua domini Ealdes- quidam, ad eandem stirpem referendi, quædam bona donauere. Fortassis illa busen in fuit soror *Walberti*, *Thiadrici*, *Hrothardi*, *Buniconis*, *Thancmari* ac *Bardons I*. pago Numerosam enim prolem cum suscepit *Wicbertus* ex *Odrada*, verisimile non Guddin- videtur, illam non nisi filios peperisse. Prouocata ergo nostra *Afabug* videtur go. exemplo sororis suæ *Folclogæ* ad dandum aliquid abbatiæ nostræ Corbeiensi pro anima fratrum suorum *Hrothardi*, *Heionis* et *Thancmari*, qui anno 870, quo etiam hæc sunt donata, iam vitam cum morte videntur commutasse. Erat autem, testante nostro Registro, villa *Ealdesbusen* in pago *Guddingo*. Videtur significari vicus seu oppidum *Eldasen*, olim ad comitatum Hallermundanum, iam vero ad principatum Calenbergensem solitus numerari. Bona Corbeiensia ibidem olim in feudo tenere ab ecclesia nostra nobiles de Bock. vocatur ead-